


畿輔通志 二十一

陽明文庫圖書  
七冊  
共二十七冊  
總書院圖書館

近世  
5-86  
キ2



1115222 34.7.6



畿輔通志卷之第二十一

人物

近衛本

夫以千百年既往之人物而不化斯亦未可數數  
觀已况人為三才之一可以與天地參者也子思  
子謂惟至誠為能之奈之何狹視斯人乎畿輔廣  
一千里有奇人之既往者算數譬喻所不能及物  
而不化者凡幾耶謂無愧於三才之一也戛戛乎  
其難之也謂有愧於三才之一也藉藉者已復如  
是也大者天地皆震動小者一事足以傳其不軼  
踰乎聖賢之道者即皆聖賢之徒不褻越乎豪杰

畿輔通志

卷之二十一

古先賢哲



莫高哭  
读书中文网发行  
<http://bbs.rbook.net>

之材者卽皆豪杰之選綱常名教國是民生胥有賴焉蓋可泯乎哉或曰燕趙多慨慷趨氣節易趨道德文章難將無分行與言而二之乎燕趙之人其生也實而不華其成也華而後實華而後實固勝於徒華實而且華又遠過於徒實唐以上何多輩起耶宋以下何僅崛起耶漸趨於華故漸衰於古謂燕趙之人已華則可謂燕趙之人無華則不可且道德本根也文章枝葉也氣節本根之挺拔而枝葉之扶疎者也有道德而無氣節譬諸菴菌矣有文章而無氣節譬諸雕繪矣三者孰難孰易

是亦不待辨而自審焉志共登若而人爲道德爲氣節爲文章班班具在道可道非聚徒講學之謂德可德非捐金出粟之謂氣真氣無取乎用壯用罔也節真節無取乎矯廉節介也文章真文章無取乎彫脂鏤木也其人雖往物而不化可以參天地焉或曰間有節取也安得瓊枝寸寸皆玉安得旃檀片片皆香吉光一羽勝鵝鶩腹背矣博登之敢詡詡於天下曰吾里

帝里也他何可望作人物志

畿輔通志卷之第二十一

古先賢哲

上古

倉頡

商

伯夷叔齊

周

甯俞

子鮮

太叔儀

公孫免餘

柳莊

公叔拔

史鱮

蘧不瑗

孔圉

程本

端木賜

澹臺滅明

古先賢哲

上古

倉

頡

南樂人軒轅黃帝之史官生而神聖有四  
目觀鳥跡蟲文始制文字以代結繩之政

商

伯夷叔齊

伯夷名允字公信叔齊名智字公達姓  
墨胎氏夷齊其謚也父孤竹君欲立叔

齊及父卒叔齊讓伯夷伯夷曰父命也遂逃去  
叔齊亦不立而逃之國人立其中子于是伯夷  
叔齊聞西伯善養老皆往歸焉及西伯卒武王  
載木主號為文王東伐紂夷齊叩馬而諫曰父  
死不葬爰及于戈可謂孝乎以臣弑君可謂仁  
乎左右欲殺之太公曰此義人也扶而去之武  
王已平殷亂天下宗周而夷齊耻之義不食周  
粟隱于首陽山採薇而食及餓且死作歌其辭  
曰登彼西山兮採其薇矣以暴易暴兮不知其  
非矣神農虞夏忽焉沒兮我安適歸矣吁嗟徂

後補人物志

卷之第二十一 古先賢哲

今命之衰矣遂餓  
死于首陽之山

周

甯

俞

衛人為大夫當文公有道之時無事可見  
及晉執成公置諸深室武子職納橐餽焉  
晉使醫衍酖公武子貨醫使  
薄其毒卒保其君孔子稱之

子

鮮

名鱒衛獻公母弟初獻公見逐而出奔使  
鱒與甯喜約而求入既入乃殺喜鱒曰逐  
我者出納我者死賞罰無章何以沮勸君失其  
信而國無刑不亦難乎且鱒實使之遂出奔晉  
公止之不可及河上又止之鱒乃止使者而盟  
于河託于木門不向衛國而坐木門大夫勸之  
仕不可曰仕而廢事罪也從之昭吾所以出  
也吾不可以立于人之朝矣遂終身不仕

太叔儀

衛人初衛獻公出奔齊既而求復于甯喜  
許之太叔儀曰甯叔視君如奕棋奕者舉  
棋不定不勝其耦况置君而可以弗定乎必  
不免矣喜不聽遂入衛侯衛侯入果殺甯喜

公孫免餘

衛人為大夫獻公歸甯喜專政公患之  
公孫免餘請攻甯氏殺甯喜及右宰穀  
公與免餘邑六十辭不受公  
固與之受其半以為少師

柳莊

衛人為太史初獻公自夷儀返于衛及郊  
將班邑于從者而後入柳莊曰如皆守社  
稷則孰執羈勒而從如皆從則孰守社稷君返  
其國而有私也母乃不可乎果弗班及疾革公  
當祭告于尸  
不釋服而往

公叔拔

衛人一名發為大夫衛國凶饑為粥與國  
之餓者衛國有難以來衛其君修班制與  
四鄰交衛國賴以不  
辱卒謚貞惠文子

公子荆

一名南楚衛大夫年十五而揖荆相事孔  
子聞之使人往觀其為政焉使者反日視  
其朝清淨而少事其堂上有五老焉其廊下有  
二十壯士焉孔子曰合二十五人之智以治天  
下其固免  
矣况荆乎

史

鱗

字子魚衛大夫靈公之時蘧伯玉賢而不

公而不聽子魚病且死謂其子曰我即死治喪于北堂吾不能進蘧伯玉退彌子瑕是不能正君也生不能正其君者死不當成禮置尸北堂足矣子魚死靈公往吊見喪在北堂問其故于具以父言對靈公蹙然易容曰夫子生則欲進賢退不肖死且不懈又以尸諫可謂忠而不衰矣于是乃召蘧伯玉而進之以為卿退彌子瑕徙喪正堂成禮而後反衛國以治孔子曰古之諫者死則已矣未有如史魚尸諫忠感其君者也可不謂直乎又曰史魚有君子之道二不仕而敬上不祀而敬鬼直能曲于人

蘧

瑗

字伯玉衛大夫靈公嘗與夫人夜坐聞車聲轡轡至闕而止過闕復有聲公問夫人曰知此為誰夫人曰妾聞禮下公門式降馬人所以廣敬也夫忠臣與孝子不為昭昭信節不為冥冥敬行蘧伯玉衛之賢大夫也仁而有智敬於事上

孔

圉

此其人必不以闇昧廢禮是以知之公使人視之果蘧伯玉

衛人為大夫治賓客交睦隣國衛賴以不喪卒謚文子孔子稱之

程

本

趙人字子華博學通墳典諸書有卓異之行性鬻爽善持論不肯苟容于諸侯聚徒講學趙簡子欲仕諸朝而不能致去之齊遇孔子于鄆傾蓋而語于日甚悅顧子路取束帛贈之曰天下賢士

端木賜

字子貢黎陽人孔子弟子

澹臺滅明

字子羽武城人狀貌甚醜夫子以為材薄既受業退而修行行不由徑非公事不見卿大夫南遊至江弟子從者三百人設取予去就各施乎諸侯夫子聞之曰吾以貌取人失之子羽

畿輔通志卷之第二十二

勲節名臣 上

周

藺相如

廉頗

趙勝

趙奢

漢

陳平

張蒼

馮唐

竇嬰

汲黯

雋不疑

趙廣漢

蓋寬饒

韓延壽

京房

王尊

鮑宣

後漢人物志

卷之第二十二 勲節名臣 一

王闕

耿純

寇恂

蓋延

王梁

邳彤

劉昆

張禹

吳祐

劉孺

崔琦

李雲

巴肅

陽球

謝弼

盧植

三國

張飛

趙雲

孫禮

王觀

晉

盧欽

劉琨

祖逖

韓恒

陽鶩

南北朝

房叔安

王洪軌

張纘

張綰

張袞

公孫軌

李孝伯

宋翻

宋弁

高允

韓麒麟

韓顯宗

盧淵

盧道將

魏子建

屈遵

竇瑗

崔士謙

房超

封隆之

張曜

蘇瓊 石曜 盧潛 崔仲方

隋

榮建緒 盧賁 高穎

榮毗

唐

李綱 劉林甫 魏徵

張公謹 高季輔 杜正倫

張文瓘 賈大隱 盧粲

宋慶禮 杜景佺 姜師度

王駿 郭震 盧景亮

崔日用 魏知古 盧懷慎

潘好禮 李义 宋璟

倪若水 盧奐 杜暹

李承 杜鴻漸 李光弼

吳溱 蔡廷玉 李景略

袁高 李藩 陽城

盧鈞 崔衍 高崇文

田弘正 陽旻 李德裕

劉棲楚 魏暮 張仲武

五代

西門鄴

趙鳳

李承約

盧導

馮暉

劉審交

王周

宋

范質

趙逢

曹彬

郭進

竇偁

趙普

田重進

李昉

張鑑

盧之翰

張泳

李仲芳

李沆

程琳

呂端

李迪

王醜

馬知節

孫沖

張知白

劉越

王臨

劉摯

王巖叟

劉航

傅堯俞

王舉元

龔夫

李之純

李淳願

張慤

褚承亮

江躋

劉甲

遼

劉仲誨

郭世珍

馬得臣

金

馬 諷

劉彥宗

賈少冲

劉徽柔

焦 旭

劉仲洙

王若虛

馮 璧

王 脩

張天綱

元

楊惟中

李秉燹

賈 德

蘇天爵

史天澤

姚 樞

王 磐

劉秉忠

郭守敬

馬 亨

烏古孫澤

鮮卑仲吉

張 柔

賈居貞

董文炳

董文用

忽都不花

王 忱

陳天祥

吳 鼎

劉德温


李士瞻

朱國寶

王 結

拜 住

趙師魯



後補人物志

卷之第三十三

勲節名臣

勲節名臣二十二

周

藺相如

趙人以歸璧及秦趙渾池之會事拜為上卿位在廉頗右頗曰我見相如必辱之相

如聞不肯與會出望見頗引車避匿曰吾所以為此者先國家之急而後私讐也頗聞之負荆謝罪相與驩為刎頸交至今邯鄲有迴車巷

廉

頗

趙人惠文王時攻伐有功拜上卿以勇氣聞於諸侯悼襄王立頗奔魏久之趙王思

復得頗頗亦思復用趙人趙使使視頗頗被甲上馬以示可用然趙王信郭開之讒竟不召後奔楚卒於壽春

趙

勝

趙公子最賢喜賓客門下常數千人相惠文王及孝成王封於東武城號曰平原君

秦圍邯鄲勝求救合縱於楚楚魏並至秦兵以罷虞卿欲為請封公孫龍說止之卒子孫相代

後補入勿志

卷之二十三 勲節名臣一

與趙俱亡

趙

奢

趙人爲田部吏收租稅而平原君以爲賢言於王用奢以治國賦秦伐韓軍於闕與王令奢將兵救之用計大破秦軍遂解闕與之圍賜號馬服君

漢

陳

平

陽武戶牖鄉人佐高帝定天下凡六出奇計封曲逆侯後爲丞相誅諸呂立文帝卒安漢室詳見史記

張

蒼

陽武人精於書曆嘗仕秦爲御史後歸漢從攻臧荼以功封北平侯孝文時爲丞相年百餘歲乃卒著書十八篇專言陰陽律曆事

馮

唐

趙人爲中郎署長嘗言雲中守魏尚有功不宜削其爵帝納之使唐持節赦尚復爲雲中守拜唐爲車騎都尉

竇

嬰

字王孫孝文后從兄也孝景初以得罪竇太后不得與朝請三年吳楚反乃召嬰嬰入見固謝病太后亦慚於是上曰天下方有急王孫寧可讓耶乃拜嬰爲大將軍嬰乃言袁盎

汲

黯

濮陽人景帝時爲太子洗馬以嚴見憚武民面折廷諍武帝稱爲古社稷臣帝時往視東粵以便宜持節發倉粟賑貧不冠不敢見後出爲淮陽太守

雋

不疑

渤海人治春秋爲郡文學進退必以禮武帝末以暴勝之表薦徵拜青州刺史昭帝時擢京兆尹吏民敬其威信每行縣錄囚徒還其毋聞有所平反則喜否則怒故不疑爲吏嚴而不殘霍光欲妻以女固辭後以病免

趙

廣漢

字子都涿郡蠡吾人故屬河間少爲郡吏州從事以廉潔通敏下士爲名舉茂材平準令察廉爲陽翟令以治行尤異遷京輔都尉守京兆尹廣漢爲人彊力天性精於吏職見吏

後浦人勿志

卷之第二十二 勲節名臣

民或夜不寢至旦尤善為鉤距以得事情鉤距者設欲知馬賈則先問狗已問羊又問牛然後及馬參伍其賈以類相準則知馬之貴賤不失實矣唯廣漢至精能行之他人效者莫能及也郡中盜賊聞里輕俠其根株窟穴所在及吏為所請求銖兩之奸皆知之廣漢嘗記召湖都亭長湖都亭長西至界上界上亭長戲曰至府為我多謝問趙君亭長既至廣漢與語問事畢謂曰界上亭長寄聲謝我何以不為致問亭長叩頭服實有之廣漢因曰還為我謝界上亭長勉思職事有以自效京兆不忘卿厚意其發姦擿伏如神皆此類也

蓋寬饒

字次公魏郡人性剛直以孝廉為郎舉方正對策高第遷諫議大夫不避權要終司

隸校尉事詳漢書

韓延壽

字長公燕人也徙杜陵少為郡文學父義為燕郎中刺王之謀逆也義諫而死燕人

閱之是時昭帝富於春秋大將軍霍光持政徵郡國賢良文學問以得失時魏相以文學對策

以為賞罰所以勸善禁惡政之本也日者燕王無道韓義出身彊諫為王所殺義無比干之親而蹈比干之節宜顯賞其子以示天下明為人臣之義光納其言因擢延壽為諫大夫遷淮陽太守治甚有名徙潁川潁川多豪強難治延壽教以禮讓恐百姓不從乃歷召郡中長老為鄉里所信向者數十人設酒具食親以相對接以禮義人人問之以謠俗民所疾苦為陳和睦親愛錯除怨咎之路長老皆以為便

京房

頓丘人師焦延壽學易甚精尤長於占災變以孝廉為郎元帝時日蝕陰霧房上䟽

指陳時政得失出為魏郡太守卒為石顯所中下獄死

王尊

字子贛涿郡高陽人也涿郡太守徐明薦尊字子贛涿郡高陽人也涿郡太守徐明薦

刺史先是琅邪王陽為益州刺史行部至邛邰九折阪歎曰奉先人遺體奈何數乘此險後以病去及尊為刺史至其阪問吏曰此非王陽所畏道邪吏對曰是尊叱其馭曰驅之王陽為孝

子王尊為忠臣尊居部一歲懷來徼外蠻夷歸附其威信博士鄭寬中使行風俗舉奏尊治狀遷為東平相

**鮑宣**渤海高城人好學明經舉孝廉為郎累官諫大夫董賢用事抗論不已哀帝以宣名

儒優容之後地震宣復上書言災異拜為司隸校尉尋以罪下廷尉太學諸生千餘人守闕上書乃減罪王莽秉政遇害

**王闕**元城人哀帝時為中常侍時幸臣董賢為大司馬寵愛貴盛闕屢諫忤旨哀帝臨崩

以璽綬付賢時國無嗣主內外懼闕自元后請奪之賢素憚闕剛直乃跪授璽綬朝廷壯之及王莽篡位忌之出為東郡太守莽敗漢兵起闕獨完且全活東郡三十餘萬戶

**耿純**字伯山鉅鹿宋子人從光武恢復有功封高陽侯卒謚成侯事詳後漢書

**寇恂**字子翼昌平人光武時偏將軍及定河南以恂有牧民禦眾之才拜河內太守行將

軍事復為潁川太守後潁川盜起恂從帝出後賊平百姓遮道日願復借寇君一年乃留鎮撫封雍奴侯卒圖形雲臺

**蓋延**字巨卿漁陽要陽人始與吳漢歸光武拜虎牙將軍從平河北有功累封安平侯自

是拔擊攻戰皆捷增封食萬戶卒圖形雲臺

**王梁**要陽人初為軍吏彭寵以為呼孥令從光武拜偏將軍後擢大司空擊赤眉有功人

為河南尹封阜城侯

**邳彤**信都人初為王莽和成郡卒正歸光武拜太守信都反者捕繫其父弟妻子使為手

書招彤彤報曰事君者不顧家以功封靈壽侯圖像雲臺

**劉昆**東昏人深於易教授子弟五百餘人王莽篡位昆匿河南負犢山中光武時歷江陵

令弘農太守徵為光祿勳召問日前在江陵反風滅火後守弘農虎北渡行何德政而致是耶

昆曰偶然耳帝嘆曰長者之言也

張禹 襄國人性篤厚節儉舉孝廉章帝時拜揚州刺史志在理察枉訟錄囚徒多所明雪

轉兗州刺史以清平稱遷下邳相為民開水門灌田民用給足累官太傅安帝初以定策功封安鄉侯

吳祐 陳留長垣人舉孝廉仕至齊相梁冀誣誅李膺馬融為具章草祐謂之日卿何面目

見天下人乎冀怒出祐為河間相自免歸家不復仕

劉孺 字叔林陽平人郭林宗嘗謂孺口訥心辯有珪璋之質察孝廉舉高第三遷侍中桓

帝時數有災異博求直言孺上封事十條極言得失辭甚忠切帝不能納出為任城相頃之徵拜議郎會竇武

事下獄自殺

崔琦 字子璋安平人以文章博通稱梁冀行多不軌琦作外戚箴以諷冀呼琦問之琦日

昔管仲相齊樂聞譏諫之言蕭何佐漢乃設書過之史今將軍欲鉗塞士口乎冀因遣琦歸陰使人害之

李雲 甘陵人舉孝廉桓帝朝為白馬令時中常侍單超等以誅梁冀功封侯用事雲上書

指其奸邪害國遂下獄杜眾陳蕃上疏救雲不聽竟死獄中天下冤之

巴肅 渤海高城人為議郎與竇武陳蕃等謀誅關宦武等遇害肅亦坐黨禁錮肅自載詣

縣令解印綬與俱去肅日為人臣者有謀不敢隱有罪不逃刑遂被害

陽球 漁陽泉州人舉孝廉補尚書侍郎遷司隸校尉時中常侍王甫等姦虐弄權煽動中外球奏收送獄盡誅之事詳漢書

謝弼 字輔宣東郡陽武人建寧時詔舉有道之士弼對策除郎中時以災異詔公卿以下

陳得失弼上封事言故太傅陳蕃輔相陛下勤身王室一旦誅滅其為酷濫駭動天下左右惡

後補人勿志

卷之三十二

勲節名臣

五

Copyright 2000, Kyoto University Library